

SAKSPAPIR

Saksnr	Utval	Type	Dato
018/20	Heradsstyret	PS	22.04.2020

Saksbehandlar	ArkivsakID
Bente Skjerping	20/1025

Interpellasjon om støtte til evakuering av flyktningar frå Morialeiren, Hellas

Vedlegg:

Interpellasjon frå Osterøy SV: Evakuer barna frå Moria no

Interpellasjon; Evakuer barna frå Moria

Rådmannen sitt framlegg til vedtak:

Heradsstyret - 018/20

HS - behandling:

Elin Hege B. Lona, SV, la fram interpellasjonen og gjorde slikt framlegg: "Osterøy Heradsstyre støttar oppropet om å evakuere barna frå Morialeiren i Hellas."

Ordføraren, har ikkje gitt svar på interpellasjonen.

AVRØYSTING

Ta saka opp til handsaming - vedteke med 20 røyster (5SP,4H,4AP,2SV,3KRF,1MDG,1V)
mot 7 røyster (7 FRP)

AVRØYSTING

SV sitt framlegg - vedteke med 20 røyster (5SP,4H,4AP,2SV,3KRF,1MDG,1V)
mot 7 røyster (7 FRP)

HS - vedtak:

"Osterøy Heradsstyre støttar oppropet om å evakuere barna frå Morialeiren i Hellas."

Saksopplysningar:

Saksopplysningar:

Bakgrunn

Representantane Tone Mjelde og Elin Hege B. Lona, begge SV, har sendt inn følgjande interpellasjon til heradsstyret:

«Osterøy Heradsstyre støttar oppropet om evakuering av flyktningane i Morialeiren på Lesvos.

Forholda i leiren er verre enn nokon sinne i den overfylte Morialeiren på Lesvos. Leiren er beregna til å kunne romme om lag 3000 flyktningar, men i dag er det nærmare 20 000 som bur der. Store barnefamiliar bur i lette, tynne tomannstelt. Mange har ikkje ein gong det og søv på bakken bak toaletta. Kloakksystemet har brote saman. Leiren blir oversvømt av kloakk og søppel, dei sanitære forholda gjer staden til ein enorm sjukdomsfelle. I tillegg nærmar Korona seg.

Barn søv på den kalde, våte bakken. Matkøane er timelange og det finns ikkje tilstrekkeleg med mat til å dekke behovet. Medisinsk og psykisk helsehjelp blir kun ytt av frivillige som reiser ned. Hjelpeorganisasjonane har tråkke seg ut fordi dei ikkje lenger kan vere med å legitimere det som skjer. Fleire norske leger og psykologar som har arbeida i leiren har ropt om forholda i leiren i fleire år, til øredøyyande stillheit. Menneskerettighetane blir brote kvar dag, og både barn og vaksne er prega av håplausheita. Legene fortel at pasientane i dag er mykje sjukare enn før, samtidig som kapasiteten er så sprengt at sjølv alvorleg sjuke blir avvist. Av barn som treng helsehjelp skyldes ein fjerdedel av tilfella sjølvskading. Barn heilt nede i to års alderen skader seg sjølv. Dei er så fortvilte og redde, og veit ikkje korleis dei skal dempe dei vonde kjenslene, så dei bit seg sjølv til blods, riv ut hår og augebryn, stangar hovudet i veggen eller mot steinar. Dei hopper utanfor skråningar og anna for å skade seg. Sjølvmordsforsøka blant tenåringar og andre skjer kvar veke.

Den greske regjeringa har bedt EU-landa om å ta imot 3000 barn utan omsorgspersonar som lever under ekstreme og uverdige forhold, og nokre land har heldigvis byrja å reagere. I dag er det ei ventetid på fleire år før flyktningane i Moria-leiren kan få behandla sine asylsøknader frå Hellas. Kvar dag av desse åra er ein dag i helvete. Ein tapt barndom. Nye traume. Forholda er katastrofale, den humanitære nauda er så stor at det burde blitt erklært unntakstilstand. Dersom desse forholda hadde skuldast eit jordskjelv eller ein tsunami ville menneska umiddelbart blitt evakuert. «Evakuer barna fra Moria nå» har tilslutning frå over 20 frivillige organisasjonar, som representerer over ein halv million menneske. På politisk nivå har kommunestyre over hele landet, inkludert Trondheim, Oslo, Bergen, Stavanger, Kristiansand, Harstad og Bodø, slutta seg til oppropet. Osterøy SV ønskjer at Osterøy kommune gjer det same.

Tone Mjelde og Elin Hege B. Lona
Osterøy SV

Konklusjon

Interpellasjonen vert lagt fram for heradsstyret til handsaming.